



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Dubium I. De interdicto: Ut possidetis.

[urn:nbn:de:hbz:466:1-73001](#)

cit. qui n. 344. censet hoc interdictum utile non concedi adversus alium possessorum rerum oppignoratarum, si à Conductore habeat causam, & titulum possidendi; sed solum actionem quasi Servianam; sed de hoc agimus l. 3. tit. de Locato, & conducto, ubi de actionibus, huic, & illi competentibus.

1117. Cœterum Schneidewinus l. 4. *institut. tit. 6. §. Item Serviana*, n. 12. per actionem Servianam intelligit actionem realem, & prætoriam, qua Locator agit ad res, quæ à conductore illatae sunt in rem locatam, ut perpetuò illic essent, si biquè pro pensione, & deterioratione rei, tacitè obligatae sunt, & à quocunquè possessore quasi pignus avocat, & donec ei integrè satisfiat, retinet; sed hanc obligationem tacitam in rebus Coloni Locatori negat Haunold. supr. cit. in his exigens conventionem expressam. Idem porrò interdictum competere non tantum locatori, sed etiā aliis Creditoribus, res opignoratas habentibus contra suos Debtores, ut earum possessionem adipisci possint, affirmat Wesenbechius; negat Halinoldus cit. n. 345. qui n. 348. concedit edictum Salvianum dari etiam pro possessione mercium inductarum in ædes conductas, si conductor pensionem non solvat.

2. VI.

De interdicto Retinendæ possessionis.

1118. **H**oc interdictum duplex est, unum vocatur *uti possidetis*; alterum *utrobi*. In utroque uterque litigantium est Actör, & Reus, & ideo hoc sensu duplex est, L. 3. §. 1. ff. h. t. ille tamen habetur simpliciter pro Actore, qui primus ad judicium provocavit, L. 13. ff. *de iudicio*. Actori autem, spectato jure civili, probandum est. 1. quod in possessione à Reo turbatus sit; 2. quod tempore turbationis possederit: jure autem Canonico sufficit probatio antiquioris possessionis; c. licet. 9. *de probat.* Hinc eodem jure ille obtinet, qui vel probat antiquiorem possessionem, vel pro hac meliores pro-

bationes adducit. Remedium possessorum ex interdicto retinendæ possessionis intentari potest pro conservatione jurisdictionis, honoris, & obsequiorum quasi possessione; Barb. *in cit. c. licet. n. 11.*

D U B I U M 1.

De interdicto: *Uti possidetis.*

Hoc interdictum datur pro retinenda possessione *immobilium* sine vitio, hoc est, nec vi, nec clam, nec precario, possessorum, contra eum, qui possessionem audet turbare, vel inquietare; hoc tamen intellige, ut detur possessori contra impedientem, seu molestantem alterum in sua possessione, quamvis inquietans illum repellere possit exceptione vitii, quo laboret ejus possessio; quia tunc æquum non est, ut vincat eum, à quo possessionem accepit: secus est, si ab alio tertio illis viis possessionem accepisset; uti habetur, §. *hodie, instit. de interdictis*, & L. 1. ff. & C. uti possidetis. Neque opus est, hanc exceptionem opponi ante item contestatam; nam quolibet tempore, quo prædicta exceptio opponatur, admitti debet, quia est peremptoria, & jus possessionis extinguit, quibus positis:

Quares 1. contra quem possessori competit interdictum *uti possidetis?* Resp. quod contra quemlibet, qui prætensione possessionis five naturalis, five civilis, vel quovis alio modo, verbo, vel facto, ipsum in sua possessione inquietat, L. si duo, §. se *vicinus*, ff. *uti possidetis*; & L. *Vim facit*, de vi, & vi armata; & habetur in c. *anditatem*. 4. *de restit. ipsiatis*. ubi dicitur, Reum in interdicto de retinenda succumbere, *abjuratione probata*, seu probato juramento spontaneè præstito, se possessori Ecclesiæ Pelensis quæstionem de cætero motuum: *Perturbare* autem in possessione alterum dicitur, si liber possessionis usus ei impediatur, ut colligitur ex dict. L. *Vim facit*.

Quares 2. an hoc interdictum detur etiam pro retinendæ possessione *incorporalium?* v. g. servitutum, ac aliorum iurium? Communis affirmat; nam hæc quasi

quasi possidentur, ideoque pro eis compen-
sant omnia remedia possessoria, ut deci-
dit lex quoties 2. ff. de Servitutib. L. 2. §.
fin. ff. si servitus vindicetur, & tradit
gloss. L. 1. ff. uti possidetis; Bartol. L. 3.
Q. Unde vi. ff. de vi, & vi armata; & vi-
detur colligi ex extu claro, quo istud inter-
dictum usufructuario conceditur L. ult.
ff. h. t. ibi: in Summa puto dicendum, &
inter fructuarios hoc interdictum reddend-
dum, et si alter usumfructum, alter pos-
sessionem sibi defendat. Idem erit pro-
bandum, & si ususfructus quis sibi defen-
dat possessionem. Proinde et si alter usum,
alter fructum sibi rueratur, & his interdi-
ctum erit dandum.

Quæres 3. quid probandum sit agenti
ex interdicto *uti possidetis*, ad hoc, ut esse
etum obtineat? Resp. probanda illi esse
duo (si aliundè notoria non sint) primò, se
in possessione esse; & 2. se, durante hac
possessione, ab Adversario turbari; & ideo
in libello petere debet, ut declaretur pos-
sessor, & reus cogatur à molestatione de-
sistere, insuperquè damnetur ad intereste
molestationis prætentæ; sic habetur L. i.
in princ. & ibi Bartol. n. 5. & §. est igitur,
& L. si duo, §. fin. ff. uti possidetis; jure
ratiæ Canonico sufficit probatio pos-
sessionis antiquioris, ut habetur in e. Licer
de probat. ubi dicitur, quod, si Actor, &
Reus, in interdicto retinenda possessionis
probent, obtineat is, qui antiquorem pos-
sessionem probat titulo maximè justifica-
tam, vel meliores probationes respectu
possessionis adduxit. Quare, quoties am-
bæ partes sunt in possessione, & utraquè
prætendit se possidere, illa obtinere de-
bet, quæ prior possidet; sic Mastard. de
probat. conclus. 1193. in princip. Si dubi-
um sit, quis tempore litis possideat, ille
tuendus est, quem verosimiliter est possi-
dere; Haunold. tom. 1. de Jus. tr. 3. num.
351. Si utraquè pars æqualiter possessio-
nem probavit, nullusquè, vel uterquè
ostendit titulum, quin appareat, quis ad
judicium provocaverit, rem sorte adjudic-
candam esse doceat Barbos. cit. n. 28. vel
potius dividendam, si potest; si non, æstim-
mandam; de quo V. Fachinæum l. 8.
c. 16.

Quæres 4. an probare debeat, se tem-
pore turbationis possidere? Resp. quod
sic, L. 1. & 2. ff. uti possidetis; & §. hodie,

Institut. de interdict. censet tamen Ca-
stropalau cit. tom. 7. tr. 32. D. unica, §.
4. n. 8. non requiri, quod probet expre-
sæ, se possidere tempore litis contestata; 3211
nam hoc præsumitur, probata possessione
tempore turbationis.

Quæres 5. quid pronuntiare debeat Ju-
dex, probatis illis, quæ probanda dixi-
mus possessori agenti contra inquietan-
tem? Resp. quod pronuntiare debeat,
illum esse possosrem; quod posses-
sionem illi confirmet; præcipiendo simul
Adversario, ne possosrem deinceps in-
quietet; ac illi satisfaciat, quanti posses-
soris interest, non fuisse turbatum; sic
habetur L. 1. L. si duo, ff. uti possidetis;
L. unic. C. eod. §. Retinenda, de inter-
dict.

Difficultas est, an Judex Victorem de-
beat obligare, ad satisfactionem, nihil se
in re possessa deterius facturum; sed rem,
cujus possessionem obtinuit, salvam, & il-
læsam restituturum, si in petitorio succu-
buerit? Reum, autem, seu victimum, se
non amplius possessori molestiam exhibi-
turum, quod minus re possessa liberè uta-
tur? Pro prima parte communis affirmat
ex L. unic. C. h. i. in secunda discordes
sunt Autiores; verior sententia in hoc
videtur illa, quæ distinguit, & affirmat,
si controversia mota sit super servitubus,
& tractum successivum habentibus, ad-
hærentibus tei ab Adversario possesso cre-
dendum, obligandum esse satisfactionem
præstare, amplius non turbaturum;
quia id videtur decisum, L. barum, L. regi,
ff. si servitus vindicetur; sed specialiter
L. penult. ff. de servitutib. ibi: Caven-
dum putat Labeo, quia nulla ejusmodi ju-
ris vacua traditio esset; & L. penult. ff.
de aqua quod id. & astiva. ibi: si de via,
itinere, actu, aqueductu agatur, ejus-
modi cautio præfanda est, quando quis de
jure suo doceat, se non impediturum a-
gentem, & aquam ducentem, & iter fa-
cientem. At verò, si controversia mota
sit super fundo, vel alia te corporali, ne-
gat obligationem satisfactionis de tioñ ampliis molestando; nam ex illa L. unica,
C. in qua se fundat opinio contraria, id
non colligitur; ibi enim solum dicitur,
vel esse præstandam satisfactionem, vel
transfendam possessionem edicti per-
petui, dum Judex de proprietate cognos-
cat;

scat; hoc autem non appellat victum, sed victorem in possessorio; hic enim obligandus est, de re illata conservanda, donec causa proprietatis decidatur; Fachin. cit. c. 14.

D U B I U M II.

De interdicto Utrobi.

1126.

Hoc interdictum datur pro retinenda possessione mobilium; in ceteris convenit cum interdicto uti possidetis; advertendum autem, quando contingit duos litigare super possessione retinenda; fieri posse, quod vel agant de possessione rei secundum diversas partes; unus, possideat tanquam Proprietarius; alter, tamquam Usufructuarius; vel unus omnem sibi possessionem exigat, Adversarium autem repellere. In primo casu, quolibet legitimè probante ius suum, Judex pronuntiabit: *uti possidetis, ita deinceps possideatis*: in secundo autem possessor non defendetur, nisi probet, se nec vi, nec clam, nec precatio possessionem ab illo indeptum esse; quid porro dicendum in casu, quo ambo petunt possessionem ejus rei in solidum? constat à n. 1122.

1127.

Quoniam autem diximus interdictum retinendæ concedi in incorporealibus; & iuribus, videtur opponi posse, quod hoc non sit necessarium, quia pro servitutibus constituta sunt propria interdicta, ut: de itinere, actuque privato, ff. h. t. de fonte, de rivis, de cloacis; quæ interdicta dicuntur *quasi possessoria*, L. 20. ff. de servit. L. 1. §. *hac interdicta*, ff. de aqua quotid. ergo non datur interdictum utile: *ni possidetis*. Deinde finis hujus interdicti est, ut intelligatur, quis sit possessor propter judicium petitorum, ut postea de Dominio agi possit ab eo, qui possessor non est: atqui hoc non procedit in servitutibus; quia servitutem petere potest, tam qui possidet, quam qui non possidet; q. aque, instit. de act. L. 6. §. et si forte, & L. sicut, §. sed si queritur, ff. si serv. vind.

1128.

Sed hæc non obstant: Nam illa interdicta servitutum, non extendunt se ad jura, & alia incorporia non adhaerentia

alicui rei corporali; itmo nec ad omnes servitutes; nec obstat uni eidemque competere plures vias, se, sicut defendendi. Alterum autem, quod dicitur, eum, qui possidet, posse servitutem vindicare; non videtur rectè dici; nam, quæ absunt, vindicamus; non, quæ possidemus; textus autem allegati non probant intentum; nam aliud est, servitutem vindicare; aliud, negare, illam alteri competere; hoc secundum dicunt illa jura; non vero primum; unde talis actio negatoria, potius dici potest vindicatio immunitatis à servitute; quam vindicatio servitutis, praesertim jam possessæ.

Prædictis addi possunt interdicta, quæ pertinent ad servitutes rusticæ; nam ei, qui legitimè acquisivit servitutem in re alterius, v. g. ducendi aquam ex alterius puto, vel eundi hæc viâ, hoc itinere, dantur interdicta illa contra impedientem ab usu earum servitutum, de quarum prima est titulus in ff. de aqua quotid. de secunda tit. ff. de itinere, actuque privato, modò ille usus non sit acquisitus clam, vi, vel precario; sufficit autem una nocte, vel die ita duxisse; L. 1. Q. 4. h. t. similia interdicta sunt etiam de rivis, de fonte, de cloacis, &c. Interdictum autem, ne vis fiat ei, qui à Prætore missus est in possessionem, rectius reducitur ad interdictum adipiscendæ, quam retinendæ possessionis.

§. VII.

De interdicto Recuperandæ possessionis.

Sicut datur interdictum retinendæ possessionis contra vim turbativam; sic datur recuperandæ, contra vim expulsivam. Jura enim maximè oderunt violentias, & rapinas; & ideo pluribus modis succurrunt spoliatis, & viam passis, tam viâ criminali; quam civili; tam per modum agendi, quam excipiendi, ut habetur c. cum dilectus, 2. & c. super spoliatione. 4. de ord. cognit. Dupliciter autem potest quis à possessione dejici, vi privatâ, & vi publicâ, seu armatâ. Qui alium dejicit vi publicâ, & armatâ, ex Constitutione Maximiliani, & Caroli V. incidit in pœnam violatæ pacis, quam vulgo vocamus

pen